

CONVOCATORIA 2020 PARA PROXECTOS DE COÑECEMENTO DA REALIDADE [PCR]

INTRODUCCIÓN

Dende Arquitectura sen Fronteiras valóranse os Proxectos de Coñecemento da Realidade [PCR] como unha oportunidade para todo o estudiantado da universidade de se desprazar a un país en vías de desenvolvemento e participar en proxectos de cooperación internacional. Neste senso, os PCR constitúen un elemento clave de colaboración directa entre a comunidade universitaria e as ONGD, creando así toda unha serie de sinerxias relacionadas coas capacidades técnicas, culturais e económicas de ambos axentes en favor da mellora das condicións de vida das poboacións máis desfavorecidas.

O obxectivo principal do programa é que as persoas participantes leven a cabo un traballo de investigación e/ou acción-participación que lles permita mellorar as súas capacidades técnicas, así coma un coñecemento da realidade das comunidades coas que se traballa nos países do sur, que fortaleza o seu pensamento crítico e a súa percepción da realidade de inxustiza global.

Os PCR móstranse tamén como unha ferramenta de sensibilización clave e eficaz para concienciación na nosa contorna, a través da realización de actividades de sensibilización e da transmisión da propia experiencia por parte dos participantes. Por isto, é preciso vincular a participación neste programa de coñecemento da realidade á realización dun traballo validado curricularmente no eido da universidade.

OFERTA DE PRAZAS

Arquitectura Sen Fronteiras ofrece a estudantes universitarios, con especial preferencia nas persoas voluntarias da nosa demarcación de Galicia, que teñan interese no mundo da cooperación no eido da habitabilidade básica, a posibilidade de realizar unha estadía en terreo co apoio de Arquitectura sen Fronteiras - Galicia. Con este propósito publicamos a presente convocatoria para incorporar persoas voluntarias a proxectos a executar en GUATEMALA.

Os bolseiros e bolseiras colaborarán directamente coas persoas técnicas da organización trasladadas ao terreo, a contraparte local e as propias persoas beneficiarias, desempeñando tarefas propias do traballo de cooperación ao desenvolvemento que se complementen co desenvolvemento da actividade curricular persoal do/a estudante.

nome	país	zona	duración	data inicio
Proxecto de Coñecemento da Realidade	Guatemala	Retalhuleu	Entre 1 e 3 meses	Agosto/Novembro

A concesión da convocatoria está condicionada á obtención do financiamento a través da [convocatoria de PCR da UDC](#), que inclúe o billete de avión (ida e volta), o seguro da viaxe (accidentes e enfermidades) e achegas derivadas da manutención. ASF corre cos gastos de aloxamento na zona de intervención (Retalhuleu).

COMPROMISOS DE ASF-E GALICIA

Os compromisos de ASF-E Galicia coas persoas bolseiras será o seguinte:

- Redacción dunha carta de presentación en que a organización expresará claramente o interese en que o alumnado realice o PCR.
- Proporcionar á persoa voluntaria información detallada sobre os antecedentes da asociación na zona de traballo.
- Impartir formación precisa para os traballos a realizar.
- Facilitar información e recursos para a elaboración de traballos curriculares

COMPROMISOS XERAIS DOS/AS SOLICITANTES

Do mesmo xeito, as persoas solicitantes terán as seguintes obrigas:

- Firma con ASF do compromiso de PCR antes da estancia no que se detallarán todas as condicións da mesma.
- Compromiso de realizar as actividades propostas na estancia.
- Disponibilidade para a formación previa tanto da OCV como de ASF.
- Compromiso de permanencia na asociación de polo menos un ano, traballando no grupo vinculado á actividade no que desenvolveu a estancia e nas actividades de sensibilización propostas relacionadas coa mesma: charlas en cursos de ASF, na Universidade da Coruña, entrevistas...
- Participación activa nas ferramentas de difusión da OCV e de ASF
- Elaboración dun informe final da experiencia a entregar como moi tarde 20 días naturais despois do regreso e informes periódicos das actividades na súa estancia a través de ferramentas de bitácora.
- Entrega á OCV da xustificación económica como moi tarde 10 días naturais despois do regreso que inclúa facturas orixinais do desprazamento e da contratación do seguro de accidentes e enfermidade.
- Participación en actividades de sensibilización da OCV.

PROXECTOS A EXECUTAR

Os proxectos de cooperación internacional ao desenvolvemento a executar en Guatemala son os seguintes:

Convocatoria do programa de coñecemento da realidade [PCR] 2019 de ASF-Galicia



- **Proxecto Ban Chuinklal de mellora das condicións de acceso a un hábitat domiciliar saudable da poboación mais vulnerable do departamento de Retalhuleu, Guatemala, con énfase nas mulleres viúvas ou solteiras a través dun proceso colaborativo entre comunidades, autoridades municipais, organizacións sociais e cooperativas, fase 6.** Neste proxecto traballamos coas nosas contrapartes ASIAPRODI e FODHAP continuando a construción de novas vivendas e a formación ás persoas participantes en hábitos domiciliarios saudables e mecanismos de produción social do hábitat.
- **Proxecto de mellora da calidade educativa con pertinencia cultural e de xénero para a garantía dos dereitos da infancia e xuventude, municipio de Champerico, Guatemala, Fase 5.** Neste proxecto traballamos coas nosas contrapartes ASIAPRODI e PRODESSA na mellora das infraestruturas educativas. A labor de ASF levada a cabo no 2019 centrouse na ampliación dunha escola na comunidade de Victorias III. Este ano levaranse a cabo melloras das construcións existentes nos centros educativos de Aztlán e Nueva Cajolá.
- **Proxecto de mellora da calidade educativa con pertinencia cultural e de xénero para a garantía dos dereitos da infancia e xuventude de 10 comunidades da área rural do municipio de Champerico, en Guatemala.** Neste proxecto traballamos coas nosas contrapartes ASIAPRODI e PRODESSA na mellora das infraestruturas educativas engadindo unha nova liña de educación inclusiva . Este ano construírse un Centro de Recursos para a Educación Inclusiva en Champerico que dará cobertura ás comunidades rurais de todo o Municipio

Máis información sobre os proxectos e a experiencia de anteriores persoas bolsieras PCR na páxina web <http://www.galicia.asfes.org/category/cooperacion-internacional/pcr/>

DESCRIPCIÓN DAS ACTIVIDADES

O traballo que realizarán as prazas ofertadas nesta convocatoria debe estar obrigatoriamente enmarcado curricularmente na UDC (proxecto de fin de carreira, traballo obrigatorio de materia, *practicum*, tese de doutoramento). Serán tarefas obrigadas das persoas seleccionadas a participación activa na difusión do traballo a través da ferramenta indicada pola OCV, a realización previa dunha formación presencial específica en proxectos de coñecemento da realidade organizada pola OCV, a presentación final de documentación e informes pertinentes que xustifiquen a súa estadía e os traballos desenvolvidos e a participación posterior en actividades de sensibilización.

Así mesmo realizarán tarefas de apoio ao traballo realizado por ASF de forma paralela á investigación ou traballo académico.

As accións de apoio centrarse nestas funcións:

1. **Acompañamento ás actividades dos proxectos enriba mencionados, en concreto:**
 - a. Acompañamento nas obras
 - b. Acompañamento en obradoiros e actividades do proxecto
 - c. Apoio no seguimento do proxecto
2. **Actualización do blogue de ASF-E en Guatemala.**
3. **Actualización do blogue PCR**

Convocatoria do programa de coñecemento da realidade [PCR] 2019 de ASF-Galicia

CRITERIOS DE VALORACIÓN

Formación complementaria en cooperación ao desenvolvemento e en voluntariado social (máx. 30 puntos):

- Cooperación ao desenvolvemento (máx. 10 puntos).
- Voluntariado ou proxectos sociais (máx. 10 puntos).
- Habitabilidade básica (máx. 10 puntos).

Experiencia en voluntariado (máx. 38 puntos):

- Experiencias en voluntariado social (máx. 25 puntos)
- Ser persoa voluntaria de ASF cunha traxectoria polo mesmo de tres meses. Darase prioridade ás persoas voluntarias do grupo de traballo de cooperación internacional da Demarcación de Galicia (máx. 13 puntos).

Pertinencia do traballo vinculado ao recoñecemento curricular da estadía (máx. 10 puntos)

Entrevista persoal (máx. 20 puntos)

Ser persoa socia de ASF (máx. 2 puntos)

SOLICITUDE

As solicitudes deberán enviarse antes do día **6 de marzo ás 14:00h** o e-mail **gtguatemala.gal@asfes.org** ou presentarse no local de ASF-E Galicia, planta 2 da ETSAC, Campus da Zapateira, 15071, A Coruña.

A documentación requirida para a súa validación será a seguinte.

1. CV cos datos mais relevantes para a praza e coas actividades afíns realizadas.
2. Carta de motivación persoal para a participación na convocatoria. Recoméndase incluír unha breve descrición da proposta de traballo ou investigación académica que se vai realizar durante a estadía.

As persoas seleccionadas en base ao curriculum poderán ser convocadas a unha entrevista persoal. A resolución da convocatoria farase pública antes do 12 de marzo.

Trala selección, as persoas candidatas seleccionadas deberán, conxuntamente co grupo de traballo de Guatemala, elaborar a proposta de Proxecto de Coñecemento da Realidade detallando os traballos a realizar na estadía, paralelamente aos propostos nesta convocatoria.

En A Coruña, a 26 de febreiro de 2020